



Inatsisartunut ilaasortaq  
Doris Jakobsen Jensen  
/Maani

**Sulinngiffeqarnermi aningaasarsiat pillugit § 37 naapertorlugu apeqqummut akissut (2023-52)**

Brevdato: 14-03-2023  
Sagsnr. 2023 - 4624

Asasara Doris Jakobsen Jensen

P. O. Box 1037  
3900 Nuuk

§ 37 naapertorlugu nangitseqqillutit apeqqutinnut nr. 193-2022-mut qujanaq. Akissut ataaniittoq Aningaasaqarnermut Sulisoqarnermullu Aqutsisoqarfik (ASA) suleqatigalugu suliarineqarpoq.

Tel. (+299) 34 50 00  
Fax (+299) 34 63 50

E-mail: oed@nanoq.gl  
www.naalakkersuisut.gl

**1. § 37 apeqqummut 193/2022 sulinngiffeqarnermi aningaasarsiasat pillugit akissuteqaammi ilaatigut aningaasat piffissani 2016-2020 aaneqanngitsunik naatsorsuuteqarpoq.**

- a) **Kisitsisit taakkua Namminersorlutik Oqartussaniit tunniunneqartussaasut aaneqanngitsut annertusiartornerinut takussutissaappat?**  
Naamik kisitsisit ukiuni pineqartuni suliffeqannginnermi aningaasarsianik ileqqaarneqartunik aaneqanngitsunik tamarmiusunik takussutissaapput. Tassa sulinngiffeqarnermi aningaasarsiat 2018-imi ileqqaarneqartut piffissami akissuteqarfimmi aaneqanngitsut suli 1.914.045 kr.-upput.
- b) **Tassani naatsorsuinermi sulinngiffeqarnermi aningaasarsiasat kinguaattooqqasut naqqiissutigineqarpat?**  
Nalunaarsuiffik suliffeqannginnermi aningaasarsiat aaneqanngitsut annertusiartornerannut takussutissaanngimmat, aningaasat taaneqartut suliffeqannginnermi aningaasarsianik pisoqalinikunik imaqarput. Suliffeqannginnermi aningaasarsiat akissutip siusinnerusukkut nassiunnerani pisoqalinikut 2015-imi siusinnerusukkulluunniit ileqqaarneqarsimassapput.
- c) **Ukiuni 2016-imiit (123.298 kr.) 2017-imut (2.554.711 kr.) annertuseriangaatsiarsimanerit Naalakkersuisut nassuiarsinnaavaat?**  
Sulisoq ukiup sulinngiffeqarfiusup kingorna piffissap ukiut tallimat iluanni sulinngiffeqarnermi aningaasarsiat aaneqanngitsut akileqarnissaannik qinnuiviginnissinnaavoq. Tamassumunnga sulinngiffeqannginnermi aningaasarsiat aaneqanngitsut ukiumi nutaami sooq annertunerunerannut pissutaasinnaavoq.

2016-ip 2017-illu akornanni allannguuterpiaasa annertussusaat misissornissaannut Naalakkersuisut periarfissaqanngillat. Assersuutigalugu ukiumi pineqartumi sulinngiffeqarnermi aningaasarsiat innuttaasunit eqqumaffigineqarsinnaasimallutik imaluunniit ukiumi pineqartumi sulisut nikerarpallaarsimanatik. Taamaalilluni aatsaat aningaasarsiaqarani

sulinngiffeqaraanni sulinngiffeqarnermi aningaasarsiat akilerneqarsinnaapput, Namminersorlutillu Oqartussani sulisut amerlanersaasa tamanna toqqartarpaat. Qulaaniittumut pissutaasoq ajorarluartumik sukumiinerusumik misissoqqissaarneqarsinnaanngilaq, tassa sulisut sulinngiffeqarnermi aningaasarsiatik akilersinniarlugit saaffiginnittut tamatumunnga pissutaasoq oqaatigineq ajormassuk.

- d) **Ukiuni 2019-imiit (2.284.714 kr.) 2020-imut (3.382.170 kr.) annertuseriangaatsiarsimanerit Naalackersuisut nassuiarsinnaavaat?**  
Apeqqummut 1c)-mut akissut naapertorlugu akissut ilaatigut nalorninartoqarpoq. Ilimagineqarporli ilaatigut corona nunarsuarmilu killilersuinerillu tuniluunnermut tunngasut pissutigalugit ukiuni pineqartuni sulinngiffeqarnerit ilaatigut kipungasut.
- e) **Naatsorsuut pineqartumi Namminersorlutik Oqartussani atorfilittat taamaallaat pineqarpat, imaluunniit Aningaasaqarnermut Sulisoqarnermullu Aqutsisoqarfiup akissarsiat sulisitsisut allaneersut isumaqatigiissutit isumagineqartut kisitsisinut aamma ilaappat?**  
Sulinngiffeqarnermi aningaasarsiat aaneqanngitsut Aningaasaqarnermut Sulisoqarnermullu Aqutsisoqarfiup akiligai pillugit kisitsit nalunaarsuiffimmi takutinneqarput. Taamaallilluni "Namminersorlutik Oqartussat" tassunga atatillugu imatut paasineqassaaq apeqqummut nr. 3-mut akissummi immikkoortotaqarfiit tamarmik pineqartut. Nalunaarsuiffimmili sulinngiffeqarnermi akissarsiat NPK-mi (Nunatsinni Perorsaasut Kattuffiat) aamma SIK-mi sulinngiffeqarnermut akissarsianit aningaasaateqarfinnut tamanna pillugu isumaqatigiissutit naapertorlugit nuunneqartut taakkunannga allaffissornikkut aquanneqartut.<sup>1</sup>

## **2. Qitiusumik qullersaqarfimmiit sulisuusimat atorfeqarunnaareersimasut pillugit inunnit paasissutissanik, kontonr. allallu pissarsiariniarnerani tamanik atorneqartumik periusissiaqarpa?**

Qitiusumik allaffissuarmi taassumaluunniit ataani sulisoqarfimmi sulisoq suliunnaarpat, aqutsisup suliunnaarnermi immersugaq Aningaasaqarnermut Sulisoqarnermullu Aqutsisoqarfimmut nassiutissavaa. Immersukkami sulisumut suliunnaarnerup kingorna attavissat pillugit paasissutissat ilisimatitsissutigineqartarput. Tamannali aatsaat pisinnaavoq sulisup paasissutissanik taakkunannga tunniussinissamik kissaateqarpat. Pineqartup kontonormua pillugu paasissutissanik qinnuiginnittoqarneq ajorpoq, tassa sulisup atorfirmut allamut nuunnini pissutigalugu aningaaserivimmut allamut nuunnissaa ilimagineqanngimmat.

Suliunnaarney akissarsianik nalunaarsuiffimmi sularineqareerpat nalunaarsorneqareerpallu, suliunnaarney pillugu allagaq sulisumut suliunnaartumut nassiunneqassaaq. Tassani pineqartup najukkani pillugu kingusinnerusukkut allannguutaasinnaasut sumut nassiussinnaaneraai ilisimatitsissutigineqartarpoq. Tamatumalu saniatigut nalunaarutigineqartarpoq, najukkamik allannguut pineqartup sumut nassiutissaneraa.

Peqqinnissaqarfimmi atorfinitsineri periaatsit assingi atorneqartarput.

<sup>1</sup> § 37 naapertorlugu apeqqummi 193-2022-mi apeqqummut nr. 1-imut akissut takujuk.

**3. Tamanut atuuttumik periusissiaqassappat, Aningaasaqarnermut Sulisoqarnermullu Aqutsisoqarfiup allat aamma isumagineqartunut tamanna atuuppa? (Uani pineqarput paasiniassallugit sulisitsisut allat isumaqatigiissutit allaavigalugit Aningaasaqarnermut Sulisoqarnermullu Aqutsisoqarfiup akissarsiat isumagisai)**

Aningaasaqarnermut Sulisoqarnermullu Aqutsisoqarfiup (ASA) sukumiinerusumik aalajangerneqartumik, peqqinnissaqarfimmi qitiusumillu allaffissuarmi sulisoqarfinilu ataaniittuni, assersuutigalugu qitiusumik ilinniarfinni, ulloq unnuarlu paaqqinnittarfinni assigisaannilu, sulisitsisut sinnerlugit akissarsianik allaffissornermi aqutsisuvuq .

ASA tamassuma saniatigut isumaqatigiissutit aalajangersimasut tunngavigalugit immikkoortunut ukununga akissarsianik allaffissornikkut aqutsivoq:

- Inatsisartut allattoqarfiat, tassunga ilanngullugit Inatsisartunut ilaasortat
- Inatsisartut Ombudsmandiat
- Innarluutillit Illersuisuat

Erseqqissassallugu pingaaruteqarpoq ASA-p sulinngiffeqarnermi aningaasarsianut tunngatillugu immikkoortunut pingasunut qulaani taaneqartunut sulisitsisutut pisussaaffiit allat ingerlanneq ajorai. Taamaammat inatsisit atuuttut naapertorlugit sulinngiffeqarnermi aningaasarsiat pillugit kingusinnerusukkut qinnuiginninnissamut suleriuseqarneq pillugu sulisumut suliunnaartumut qanoq paasissutisseerusunnerluni namminneq isummerfigissavaat.

Qulaaniittumut tapiliullugu ilisimatitsissutigineqarsinnaavoq, ASA-p akissuteqarnerup kingulliup kingorna e-boksi maannakkut atulernikuugaa. ASA-p taamaalilluni 2022-mut ukiumoortumik naatsorsuinerit siusinnerusukkut sulisuunikuusunut e-boksikkut ukioq manna nassiunnikuuai. ASA-p taamaalilluni neriuutigaa allaffissornermi suleriutsit ilaatigut digitalinngorlugu aaqqiissutit soorlu e-boks aamma NemKonto atorlugit pisariillisarneqarsinnaasut.

Inussiarnersumik inuulluaqqusillunga



Naaja H. Nathanielsen